



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

CCCI. Urfehde, welche der Bürger Claus Wolf der Stadt Königsberg geschworen, vom 3. Mai 1462.

Nutzungsbedingungen

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

CCCI. Urfehde, welche der Bürger Claus Wolf der Stadt Königsberg geschworen, vom
3. Mai 1462.

Vor allen Cristen luden, de dessen sihen ofte horen lezen vnde vorbat vor allesweme, wat stades ofte werdicheit de sint, geistlikis edder wertlikis, So bekenne yk Clawes wulff, wonastich vnde medeborger to koningelberge in der nihgen marke openbar, in macht dessis breues. So alze yk in der suluen stad koningelberg stocken vnde benden gezeten hebbe vnde dar ynne gekomen bin van wegen myner eigen versumenisse vnde schult, Also loue yk in craft dessis breues, dat yk noch myne vrunde, gheboren vnde vngéboren, dar vmme vppe de Stadt koningelbergh vnde vppe ore inwoner noch vppe de jhene, de dar hulppe, rad vnde dath to ghedan hebben, nicht saken wil mit rechte geistlik ofte wertlik noch iennigerleie wys sunder recht in tokomeden ewigen tiden, Dat loue yk also stede vnd vaste to holden mit mynen vrunden geboren vnde vngéboren vnde mit mynen natschreuenen borgen. Vnde wy natschreuen borgen mit en, Alze mit namen Ertmer wulff, myn elike bruder, Clawes lippene to klemptz, Clawes brune to Czellin, hans demuth vnde Clawes roggow to Czachgow, Tide etczik, mattis mazerkopp tho Wuthenow, hans polen to morin, Clawes hiluepape van nihgenborch, Clawes wulff to schowenflyt, Andrewes beigerstorp to nihgenborch vnde benedictus bernwolt tome roreken louen mit eyner rechten samenden hant vnde seggen ia deme Erbaren Rade vnde der gantzen stad Koningelbergh vor alle namaninge vnde wi willen sy vnde de dar rath, hulpp vnde dat to ghedan hebben, schadelosz ane holden. Hir by, an vnde ouer sint gewest desze erwerdigen vnde vorsichtigen her Pawel molner, kerkher tho wuthenow, goinow borneman vnde hans farenkam, borger to Koningelbergh, gerke borchgart vnde Jacob molner to schouwenflyt mit meer bedderuen eren vnde loueswerdich. Des tho orkunde vnde grotter bekantnisse, So hebbe wy Clawes vnde ertmer wulff, elike bruder, vnser twihger ingezegel vor vns, vor vnser vrunden, geboren vnde vngéboren, hengen vnde vellen laten an dessen openen breff, vnde wi vorbenumpden borger hebben der twihger wulffe Ingezegel bewillet vnde belenet vor vns vulmechtich, wi vnse eigenen Ingezegele, so wi nene hebben an dessen breff by der wulffe Ingezegel hedden gehangen. Gegeuen vnde geschreuen des mandages na walburgis Anno domini etc. LX^o secundo.

Nach dem Originale des Königsberger Stadtarchives No. 210a.

CCCII. Heinrich Berkow zu Königsberg vermachet der Pfarrkirche ein Legat in Gebungen aus
Güstebiese, am 16. Januar 1463.

Reuerendo in cristo patri et domino, domino henningo, dei et ap. sedis gratia Episcopo Caminenfi, Ego hinricus Berkouwe laycus — de consensu vxoris mee Anne animarum nostrarum parentumque nostrorum nec non Ludekini et Johannis Walmowen ceterorumque fidelium ob salutem do, fundo et instauro certos redditus sedecim sexagenarum denariorum Berlinensium in